

海州文獻錄卷八

州人許喬林編輯

祀典錄

謹案郡縣馨香之薦奉

朝命者爲祀典合祭法者爲秩祀海州自唐志告成
以後其崇祀名宦者有濟源衛公善化唐公常
熟翁公安化陶公而陶公仰蒙

准建專祠上邀

特旨謹載筆以誌

恩榮至孝婦祠之重建規制遠勝於前所以宣

海州文獻錄

卷八

祀典

一

聖朝孝治天下之至意也感忠崇德二祠唐公創議
而師公成之諸公忠蓋大節循良嘉猷皆允合
於祭法禮所謂有其舉之莫敢廢也輯祀典錄
第八

漢東海孝婦祠在海州巨平村北有司春秋致祭
舊祠僅蔽風雨道光己亥淮北海州分司江夏童
公倡捐重建式廓前規辛丑竣工礮石以記之並
題楹聯日梓里奉馨香合萬家誠意感通自見雨
暘應候海隅資保護歷千載神功普徧方知慈孝
同心又重修孝婦墓築垣樹松年來雨暘時若靈

應昭著

新
增

童濂重建漢東海孝婦祠記

石
刻

海州巨平村爲漢東海孝婦故里其北有祠守土
官春秋薦馨爲州之秩祀乾隆癸卯疏濬漣河祈
晴一月而應嘉慶癸亥旱太甚禱雨亦應神之爲
靈昭昭也濂嘗展拜祠下慨其歲久闕修且規制
庳陋非所以仰承

聖朝孝治天下維風正俗之至意與諸同志共籌式廓
屬傳參軍紹森董其成凡建正祠三間翼以東西
廂環以長廊其東別營前殿移奉祠中舊供神像

海州文獻錄

卷八

祀典

二

並新增于公栗主其後爲慈孝堂專祀慈姑君子
以爲禮崇閭樹屏華龕雕檻重墀神像精采莊嚴
因舉諸神佛像悉新之並飾几筵具樽俎利用之
器咸備祠後佳城封土種松繚以周垣三百餘尺
其舊有膳田爲之濬渠築圩助以牛具並增益香
火新田崇祀典也經始於己亥九秋迄辛丑三月
葺事凡用錢四千七百餘貫皆出樂輸登名貞石
俾踵事者資攷鏡焉祠額舊題東海孝婦明嘉靖
中知州王君同始有英烈之稱夫孝爲順德及其
至也天明地察而人極以立顧婦孝難於子而東

海孝婦之孝倍難於千古孝子孝婦之孝方其事
姑而矢以終身此順德之常也乃姑以非意死而
姑之女妄以非道相誣則理不順而情難順使非
義精仁熟貫以一誠縱受誣不憾而隱微自喻或
不能順受如常卽未必上邀天鑒乃當日恒暘三
年冤白而雨始沛天實彰之今之時雨時暘胥饗
如答天實佑之惟其孝至故其神靈彼英烈之稱
懿矣顧安足名孝婦之順德哉郟城亦有崇祠或
謂漢東海郡治在郟而以巨平祠墓爲志乘附會
然神之昭靈視郟爲著且太平寰宇記譔於宋初

海州文獻錄

卷八

祀典

三

孝婦廟在東海縣下則巨平之祠甚古況與于公
浦雞犬相聞西平苗裔能言其祖則神所憑依信
在此而不在彼宜乎有枌榆之誼時時以和風甘
雨福其鄉人而生是邦者際會

昇平政清俗美今新祠壯麗足資感發而肅觀瞻其益
欣然嚮往相敦勉以孝思不匱各盡其倫而文教
科名亦必因之鼎盛是神之所福也夫孝婦事見
漢書于定國傳及後漢書循吏孟嘗傳而劉向說
苑尤詳皆不著姓氏故祠額仍題東海孝婦云

海州名宦祠嘉慶丁丑原任工部尚書前海州知

州衛公哲治入祠道光戊子原任陝西布政使前

海州知州唐公仲冕入祠甲午原任海州儒學學

正翁公咸封入祠辛丑原任兩江總督陶文毅公

澍入祠文毅公奉

旨准於海州板浦場建立專祠

敕建陶文毅公專祠道光己亥淮北士民請建陶文毅

公專祠署兩江總督陳公鑾據情入奏奉

上諭陳鑾奏地方紳士請以原任總督入祀名宦並建

專祠一摺陶澍前在兩江總督任內整頓漕綱修復

水利遺愛在民除入祀名宦循例具題外所有該紳

海州文獻錄

卷八祀典

四

士等懇請捐建專祠之處著准其擇地建立以順輿

情而彰政績欽此海州分司童公親相地於板浦敦

善書院之西高其閤表以華坊繚垣連櫺衡宇

爽塏享堂供奉影龕恭錄

御製文三篇並

綸音幹國良臣四字敬懸南榮堂之北崇樓特起恭摹

御書印心石屋扁額於正中而分嵌公卿題跋於堂之

後壁及北院廊間其樓下奉公小像能傳毅然特

立之神壁繪初巡東海再巡東海兩圖享堂之下

翼以兩廂步壩邃廊迴環四達雕欄刮楹塗髹難

彩至俎豆祭器仿祖癸豆京叔簋之例范銅勒字
媿古尊彝凡几案雜器之屬悉從吳船遠致門外
設榷桓建靈旗修杠卓雲狻猊列峙皆從一品之
禮春秋兩祭分司主之每歲十一月三十日爲公
生日官祭禮成士民咸致私祭焉其建祠公費餘
銀四千兩發交海屬五典每年八釐五毫行息由
董事經管爲歲修及祭祀之需公議章程稟經分
司童公批定此項生息銀兩分司及海州文武各
衙門無論何項緊急公需均不得向典鋪那借典
鋪亦不得瞻徇暫借自甘認賠公立議單附卷存

海州文獻錄

卷八

祀典

五

案以垂久遠祠中桃李桐椿槐榆柳杏石榴紫荆
品條蠟梅向榮競秀而菊花最盛辛丑之秋童公
以防海至孫家山移松數株手種於此法起寺詩
僧魯南又以穉松四十株至公皆種於祠之隙地
行見棲日榦而吟天風又增此祠一重嘉話邦人
勿翦勿伐之思亦與此祠俱永矣

陳鑾淮北請建前督

臣

陶澍專祠

奏畧

牘公

竊前督

臣

陶澍仰蒙

皇上軫念勤勞

恩加贈卹旣邀易名

盛典復

命入祀賢良

恩禮優隆實所罕覩不特陶澍哀榮備至銜結九原凡在臣民莫不觀感興起有發於情不自已者茲據淮北海州紳士許喬林等局商王恒源等票販楊騰等呈稱淮北僻處一隅鹺行皖豫兩省自運道迂阻改捆費繁以致商力大絀民食維艱淮民困苦已甚自道光十二年兩江總督陶澍親至海州覽場竈之情形與官私之道路力主更張不惑浮議於是改道裁費歸局除弊防梟侵擾添設卡巡從此商販雲趨爭先恐後場鹽山積數月全清改行四十二州縣私化官而梟化良

奏銷四百餘萬金下利民而上利

國又設立義倉書院兼疏水利場河計自試行八載以來全活生靈百萬凡益上益下之成效皆實心實力所講求澤沛三江淮民尤爲戴德援案呈請入祀本學名宦並於海州板浦鎮地方建立專祠

永申報祀以垂久遠等情具呈前來臣查道光四年據清河縣紳耆丁如玉等呈請南河故督臣黎世序入祀清河縣名宦並建專祠一案經前督臣

海州文獻錄

卷八

祀典

六

孫玉庭等

奏奉

上諭孫玉庭等奏地方紳耆以原任河督入祀名宦並建專祠一摺黎世序前在江南河道總督任內宣防盡力遺愛在民除入祀名宦循例具題外著准該紳耆等捐建專祠以順輿情而彰勲績欽此欽遵在案今故督臣陶澍於淮北嵯務疲敝極困之際屏除浮議創設票法變私鹽爲官引化梟匪爲善良從此

國課充足民生樂利而且興復水利培植學校裨益

海州文獻錄

卷八 祀典

七

宏多輿論允洽該紳士等請以專祠修祀羣情踴躍臣覆加訪察實出至誠不敢壅於

上聞除入祀名宦應由地方官開造事實清冊循例辦理外所有淮北海州紳士請建專祠仰懇

聖恩俯允所請擇地建立俾昭感慕而申誠悃洵足爲遺愛在民之勸

感忠祠在海州石室書院之西嘉慶甲子知州唐

公仲冕建議戊寅知州師公亮采始克成之祀宋

張忠文公叔夜魏忠壯公勝張公玘侯公畝金完

顏公縑森明金守備佚其名劉公士燦

國朝張公

懋勛

李公

士麟

胡君

崇禮

李君

奕蔭

有司春

秋致祭

師亮采海州感忠祠記

禹門文鈔

守土之官祀於其地者自漢始蜀則文翁南陽則
召信臣其後史不絕書而唐世睢陽祀張公巡許
公遠獨以其忠亦祭法以死勤事以勞定國之義
也海州阻山負海介南北之襟喉充沂淮泗間軍
興時爲必爭必守之重鎮故自兩漢迄五代謀臣
宿將建功烈於茲土者炳然可數宋金構難戰爭
尤亟斗大之州危如綦卵而能出其謀畧忠愍以

海州文獻錄

卷八

祀典

八

捍禦疆敵使吾民倚之爲金湯斯眞所謂勤事定
國義合專祠者已嘉慶丙寅唐觀察仲冕牧海州
時欲建二忠祠祀宋張忠文公叔夜魏忠壯公勝
以慰邦人之思以修咸秩之典蠲廉定議意在斯
乎無何移任崇川余適權知是州旋即調任河工
乙亥歲余復莅茲土旣整飭庶政乃亟舉是役顧
念石闔鏖戰張公玘捐軀陷陣松壽渡漣侯公畝
效節守城而金完顏公縑森以縣令督戰與城俱
亡其志與事皆不異張魏二公因並考明代守備
金公知州劉公暨順治六年莒賊曹良臣之事致

命者張公懋勛李公士麟胡君崇禮李君奕蔭雖
春秋已列祀典而此邦人士稱道弗衰亦宜附祀
二忠而名祠曰感忠焉夫宋江之起也轉掠數十
郡所向無前比至海隅氣勢騰踔民懷子遺之虞
忠文以孤城單師一戰遂捷金亮之南也恐海州
議其後刻意取之沙巷之師十萬烏錦之師二十
萬忠壯智勇奮發突戰守禦曠日持久而敵不能
毀其一堞奪其一戍斥鹵之民相保以安其功皆
在全宋而大有造於茲土也余獨悲夫海州大患
得二公以紓而州人知之宋用二公則宋可不亡

海州文獻錄

卷八

祀典

九

而宋人不知且忠文以一州之小制宋江強虓而
有餘及粘罕得志之時宋之兵力尙可用而忠文
直徒手耳太阿不得持而扼吭以死忠壯在海州
大伊之戰譙門之戰新橋之戰蒼山之戰黃土坂
之戰前後沙巷之戰重圍勁敵矢石如織而所至
摧鋒身名俱泰及出清河口猝遇金人一旅劉寶
犄角之援相視如秦越竟轉戰數十里以死然則
海州得二公而存而二公之用海州也亦神知其
樂享祀於斯土也而或疑二公之謚忠皆不以海
州故則非惟不知二公並不知忠夫忠有常有變

遇變而以忠除害定傾如二公者其在承平固爲循吏爲賢相也卽如張魏以下諸公其處艱危皆能建張巡許遠之節若處平世豈不能著文翁召信臣之功忠之事不同其爲忠之心同也今天下治平海濱乂安亮采承乏於茲喜其地闢民聚興學勸功率博士弟子春秋拜祠下遭逢甚盛豈惟曠百世而相感有懷昔賢之盛軌哉

崇德祠在海州石室書院之西嘉慶戊寅知州師

公建祀陳恪勤公鵬年衛尙書哲治許方伯松信

李廉訪永書皆曾知海州有遺愛在民者有司春

海州文獻錄

卷八 祀典

十

秋致祭

唐仲冕海州崇德祠記陶山文錄

古者有功於民則祭於社無專祠漢初燕齊立樂公之社是也厥後蜀郡太守文翁齊相石慶吏民特爲立祠於是桐鄉祀朱邑渭陽祀胡建越雋祀張翕零陵祀周嘉始有專祠

國家令甲禁立生祠所以綜覈名實意至善也而功德在人事久論定吏民各致其情如吳門有三賢祠淮浦有四公祠於義亦允協焉余昔在海州擬建二忠祠祀宋張忠文魏忠壯二公是時創試院

開甲子河疊舉大役僕僕未遑也今師禹門太守
始克成之又建崇德祠祀

皇朝之知是州而後爲名臣者夫馨香在德去思不忘
無夷險一也士大夫幸際

昇平九德咸事獲受司牧之寄體兼率屬官切親民必
求民之隱因民所利權其緩急而張弛咸宜當官
而行非以爲德也而徧爲爾德民望咸孚報以飶
馨亦足云勸此州舊政如陳恪勤公衛大司空及
許青岩方伯李綬遠廉訪皆以名德碩望或榮邀
美諡或敷歷外臺恪勤公向祀通省名宦海州士

海州文獻錄

卷八

祀典

十一

大夫近臚司空政績已上儀曹許李二公雖未至
節鉞而名位俱昌官崇者德崇亦足覘

聖朝澄敘之效已余於數公無能爲役顧念在海州時
亦嘗景矚前徽酌民言而次第布之獨於此州水
利日不暇給至今以爲憾嘗攷之故牘乾隆壬寅
癸卯間前淮揚觀察師樸園先生曾躬親履勘駐
州督治惜踵行難而舊迹漸湮顧觀察之德不可
忘也觀察後按淮徐此州亦在所轄中前歲彭城
士民請入名宦海州禮亦宜之州人旣請於太守
復寓書於余余謂觀察實政在民如除地料清積

案此州亦蒙其德且嘗親臨沮洳之鄉爲吾民捍
災救患則今日崇德之祀非私也太守起家
制科世濟其美入廟觀德實式憑之其尙以同德而躋
一德之休也夫